

Ličby kołowokoło našeho čěta (1.džěl)

► Dorosčeny čłowjek waži **60** do **80** kilogramow a je přerěznje **175** cm wulki. Wězo dawaja tež wuwzača: Najčeši muž wažeše **615** kg! Najwjetši čłowjek bě **2,72** m wulki, najmješi jenož **59** cm.


► Čěto dorosčeneho wobsteji z něhdže **10** do **100** bilionow bańkow. By-li wšitke bańki do rynka zrjadował/a, by ekwator zemje (wobjim něhdže **40 000** kilometrow) **50** razow z bańkowym rječazom wobwić móht/a. Hač do **90** % našich bańkow so znajmjeńša jónu wob lěto ponowja.

► Naše čěto wobsteji ze wšelakich chemiskich wjazbow. Najwažniše su woda, wuhlikowe hydraty, bělkowina, tuki a mineralne sele. Dorosčeny (**70** kg) wobsteji z něhdže **46** litrow wody, **12** kg bělkowiny, **7,5** kg tuka, **0,7** kg cokora a **3,8** kg wšelakich selow.

► Koža dorosčeneho wučini něhdže **2** m², waži wokoło **4** kg a ma něhdže **4** milionow pótnych žažow. Přez nje wupočimy wšědnje něhdže **800** ml potu.

► Jenička włosa čłowjeka je mjez **0,07** do **0,18** mm tołsta. Tołstosć wotwisuje wosebje wot barby włosow.

► Naše nochće narostu wšědnje mjez **0,05** do **0,09** mm. Při tym rostu nochće na rukomaj spěšnišo hač na nohomaj.



► Kóždy z nas ma něhdže **100** bilionow bakterijow na sebi a we sebi. Bakterije su wažne za čłowječe žiwjenje. Trjebamy je za zežiwjenje. Tak maš samo na čistej ruce hišće **200** do **1000** bakterijow na cm².

► Skelet čłowjeka wobsteji z **206** do **210** kosćow a waži něhdže **10** kg.

► Dohromady mamy **639** musklow, při čimž móža muskle za kusanje najwjetše mocy wukonjeć.

► Po cyłym čěle mamy něhdže **100** miliardow čuwowych bańkow, w mozach samych je to hižo wokoło **14** miliardow. Čuwowe reakcije, kiž přez wěšty powabk (*Reiz*) nastanu (na př. kopnjnje do kolena), so ze spěšnosću **0,5** do **120** metrow na sekundu dale dadža.

► W žiwjenju mikotamy wjac hač **415** milionow razow z wočomaj. Štó drje je to wuličič dyrbať?

► Dorosčeny ma **pjeć** do **sydom** litrow kreje w čěle.

► Wutroba dorosčeneho bje něhdže **70** razow wob mjeńšinu, **4 200** razow za hodžinu, něhdže **100 000** razow wob džeń, **37** milionow razow wob lěto a něhdže **2,6** miliardow razow w **70** lětnym žiwjenju. Pola žonow a zalubowanych bje wutroba hišće tróšku spěšnišo.

► Wutroba klumpa wšědnje **7 056** litrow kreje do čělného wobtoka, při sporče abo čěžkim džěle wězo hišće wjac.

► Krej trjeba něhdže **jednu** mjeńšinu, zo by naše čěto jónu přeběžała.